

No.B.17011/24(B)/17/DHS/DRUGS/108
GOVERNMENT OF MIZORAM
DIRECTORATE OF HEALTH SERVICES
(Food & Drug Administration Wing)
MIZORAM : AIZAWL

Dated Aizawl, the 26th August, 2024

CIRCULAR

(Pharmacist-incharge anga pharmacy enkawl chungchang)

Mizoramah pharmacist indaih lohna a awm thin avangin sawrkar leh hmun danga hna thawh neite pawh an hunawl remchang apianga pharmacy an enkawl theih nan mimal pharmacy-a pharmacist-incharge anga thawh phalsak an ni thin a. Amaherawhchu, pharmacist kan lo indaih tak deuh avangin hei hi tihtawp tum a ni a, pharmacy (*licence form 20, 20B, 20C, 20D, 21 & 21B*) neite chu December 2019 ral hma ngeia hun puma (full time) thawk thei tur regd.pharmacist ruai vek tura hriattirna 13th July, 2018 ah chhuah a lo ni tawh a ni. Full time supervision hi 1st January, 2020 atanga hman tan tura tih a ni. (*vide No. B.17011/24(B) /17/ DHS/ DRUGS date 13th July 2018*)

Amaherawhchu, he circular hian zawm a hlawh lo hle a, a hman hun atana ruat 1st January, 2020 pawh tawh hlat a ni ta a, chumi hriattirna chu date 4th February, 2020 ah tihchhuah a ni. Full time/Part time supervision chungchangah hian danin tum chiangsa a nei a, chu chu full time (*physical presence throughout the working hours*) a ni. Dan tihdanglam a thian loh ruala Mizorama kan inthlahdul chhan chu pharmacist awm lova damdawi dawr inhawngin mipui hriselna an khawih pawh hlauhthawwna vang a ni.

Tunah chuan Mizoram State Pharmacy Council (MSPC) atanga thu dawn danin kum tin mi 80-100 new registration kan nei ta a, damdawi dawr hunpuma enkawl thei regd.pharmacist kan ngah tawh tawha ngaih a ni. Hun pum (full time)-a pharmacy enkawl tur a nih thu hi Circular date 21st May, 2024 ah pawh tihchhuah a lo ni leh tawh bawh a, pharmacist ngeiin damdawi a enkawl hi heng dan hrang hrang – *Section.42 of the Pharmacy Act, 1948, Regulation 3.4(a) leh Regulation 9.1(a) of Pharmacy Practice Regulation, 2015 bakah Rule 65(2) of the Drugs Rules, 1945* te hian an phut tlat a ni.

Chutichuan, danin damlo mipui himna a dah pawimawhzia hrerengin, a chung circular chhuak tawh date 13th July, 2018 tihhlawhtlin nan leh date 4th February, 2020 luahlan turin Mizorama pharmacy full time supervision chauh kalpui a nih hun atan 1st January, 2025 ruat a ni leh ta a ni. Hemi tihlawhtling tur hian licence neitu leh pharmacist-incharge zawng zawngte ngen leh hriattir an ni.

Heng a hnuai a tarlante hi pharmacist-incharge an nihna atanga inhnuok dawk turte chu an ni a, an hmun ruakah pharmacist dang, full time-a thawk thei turte an luh thuai theih nan leh, pharmacy neituin buaina a tawh loh nan a rang lama hmala tura ngen leh hriattir an ni :-

1. Sawrkar leh hmun danga hna nghet nei te (*regular employee*).
2. Sawrkar leh hmun danga hna thawk (*contractual/PE etc*)
3. Zirna leh thildang avanga awm bo, pharmacy-a thu hman lo te.

Tin, hetih lai hian pharmacist, hna dang thawh neilo nia inchhalte chu full time-a thawk thei dinhmuna dingah ngaih an ni a. Chung mite chuan mimal pharmacy-a thawh an duh a nih chuan an hun pumin pharmacy an enkawl tur a ni a, an thei lo a nih chuan pharmacist-incharge anga mimal pharmacy-a an thawh a rem lo vang.


Sd/- LALSAWMA
Jt. Director (F&D),
Controlling & Licensing Authority,
Directorate of Health Services,
Mizoram: Aizawl.

Memo No.B.17011/24(B)/17/DHS/DRUGS/108

Dated Aizawl, the 26th Aug., 2024

Copy to :

1. PS to Minister, H&FW Department, etc.
2. PS to Secretary, H&FW Department.
3. Principal Director, H&FW Department
4. Director of Health Services, Mizoram.
5. All Asst. Directors (F&D)/DIs/ADIs, _____ district for info. and necessary action
6. Registrar, Mizoram State Pharmacy Council – *zau taka a lo thehdarh theih nan*
7. President, Mizoram Chemists & Druggists' Association – *a lo hriat atan leh damdawi zuarte hnena zau taka a lo thehdarh theih nan.*
8. ~~Guard file~~


Jt. Director (F&D),
Controlling & Licensing Authority,
Directorate of Health Services,
Mizoram: Aizawl.